

UMP Jalin Kerjasama Strategik dengan SEDIA



Sabah, 20 April- Universiti Malaysia Pahang (UMP) menjalinkan kerjasama strategik dengan Sabah Economic Development and Investment Authority (SEDIA) dalam pembangunan bidang bioteknologi. Dalam majlis ini Naib Canselor UMP, Profesor Dato' Dr. Daing Nasir Ibrahim bertukar dokumen persefahaman dengan Ketua Eksekutif SEDIA, Datuk Dr Mohd Yaakob Haji Johari dalam Majlis Perasmian Persidangan dan Pameran BioBorneo 2015 yang telah berlangsung di Hotel Sutera Harbour Resort, Kota Kinabalu baru-baru ini.

Menurut Dato' Dr. Daing Nasir, program kerjasama ini memberi tumpuan terhadap program pemindahan teknologi, pemprosesan makanan, penyelidikan berteraskan bioteknologi dan penubuhan inkubator. "Hubungan kerjasama dalam bidang bioteknologi ini membolehkan UMP dan SEDIA berkongsi kepakaran untuk dimanfaatkan kedua-dua pihak," katanya. Persidangan yang bertemakan "Teknologi Berasaskan Bio untuk Menjana Kekayaan Menerusi Bioekonomi dianjurkan Kementerian Sains, Teknologi dan Inovasi melalui BiotechCorp dengan kerjasama Sabah Biodiversity Centre (SaBC).

Majlis dirasmikan Timbalan Ketua Menteri merangkap Menteri Pertanian dan Industri Makanan Sabah, Datuk Seri Panglima Haji Yahya Haji Hussin yang juga dihadiri Menteri MOSTI, Datuk Dr Ewon Ebin, Timbalan Menteri MOSTI, Datuk Dr. Abu Bakar Diah, Ketua Pegawai Eksekutif Biotechcorp Dato' Dr. Mohd Nazlee Kamal, Pengarah SaBC, Dr. Abdul Fatah Amir dan Timbalan Setiausaha Kerajaan Negeri, Datuk Pounis Yuntavid. Turut hadir Timbalan Naib Canselor (Penyelidikan dan Inovasi), Profesor Dr. Mashitah Mohd. Yusoff dan Dekan Fakulti Pengurusan Industri (FIM), Dr. Ridzuan Darun.



Dalam masa yang sama delegasi UMP juga berpeluang menimba pengalaman bersama pengusaha Syarikat Gaya House, Balung River Eco Resort Sdn. Bhd yang mengusahakan tanaman Patchulli, Kantan, Vanilla dan Misai Kucing. Lawatan ini juga memberi pendedahan tentang pengurusan Essential Oil sebagai persediaan UMP bagi pembangunan Projek Bio-Aromatik di negeri Pahang.

Disediakan Unit Perhubungan Awam Bahagian Komunikasi Korporat PNC

Posted By : NOR FADZILLAH BINTI ZULKIPLI Date Posted : 22-06-2015, 12:22:56